



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola LV. Gregorii Papae I. Ad Adeodatam. Eam ad superna meditanda
corroborat.

urn:nbn:de:hbz:466:1-15221

Etissimo corpore Petri apostolorum principis, vt per ipsum a maligno defensus permaneas, cuius signo te esse munatum credis, & ex eo te protegat qui iuuenia semper suggerit recordari: vt in bonis tuis actibus perseveres: vt in eius amore usque ad finem permaneas, pro cuius amore solitarius desideras habitare: vt alios in eius amore accendas, propter quem te fecisti * haberi: vt vita huius mala, quaeque inimicus suggerit retro acta, mentis prouentibus quasi facibus inardescas, pro cuius amore vitam etiam velis finire: ipse quoque te protegat usque in finem, qui cunctum mundum dignatus est redimere Iesus Christus Dominus noster, qui viuit & regnat in secula seculorum. Amen.

EPISTOLA LV.

GREGORII PAPÆ I.

AD ADEODATAM.

Eam ad superna meditanda corroborat.

Gregorius Adeodatæ illustri.

MAGNAM nobis lætitiam gloriae vestrae ingessit epistola, quæ æternæ vitæ desiderium vos habere signauit: sed quia huiusmodi studium fugitiua solet mundi gloria praepedire; hortamur vt mentis vestrae saluberrimam deliberationem res quælibet transitura non reuocet, nec ab incepto eam tramite deuiet: sed magis supernæ patriæ amor accendat, præmia mansura sollicitent, & ad venturi iudicis promissionem certam semper aspiret, atque ex temporalibus æterna mercetur: vt ex hoc & in vera gloria esse, & inter matronas possitis cælestes adscribi. Reducite ad animos prosperitates temporum, multitudines hominum, dignitatum pompas, matronarum gloriam, diuitiarum abundantiam. Attendite hæc omnia vbi vel quid facta sunt, & ex hoc pensate quod nulla sint, & quia qui ista diligit somnium vigilans videt. Hæc itaque recordatio magna vobis debet esse instrutio, quoniam promagno diligi non debet quidquid fine concluditur. Illa ergo appetenda, illa summopere diligenda sunt, quæ nec inuenta transiunt, nec adepta deficiunt. Sed quia ad horum desiderium anhelare sine diuinæ misericordiæ gratia nullus valet; ora-

Concil. Tom. 13.

Qqqq

mus omnipotentem Dominum, ut hæc vobis & eligendi velle, & posse tribuat obtainendi, quatenus & hic vos in suo viuere timore concedat, & postea in sanctarum matronarum sorte recipiat. Paterna itaque caritate gloriam veltram salutantes, indicamus de causa fratris & coepiscopi nostri Decii hoc nobis visum fuisse, vt eam audiendam fratri & coepiscopo nostro Ioanni & Leontio viro glorioſo, quia bonus & iustus vir dicitur, committere debemus; securi maxime quia ubi prædicti fratris & coepiscopi nostri in iudicio caritas intereft, nec eis surripiatur, nec pars ecclesiæ possit præiudicium sustinere.

EPISTOLA LVI.

GREGORII PAPÆ I.

AD IANVARIVM EPISCOPVM CALARITANVM.

Quod nihil pro sepultura exigendum aut accipiendum est, nisi sponte pro luminaribus ecclesiæ aliquid offeretur.

Gregorius Januario episcopo Calaritano.

Grat. 13. qu.
2. cap. 12.
Iuo par. 12.
cap. 10.

QUESTA est nobis Nereida clarissima femina, quod ab ea centum solidos pro filia sua sepultura fraternitas veltra non erubescat exigere: atque ei super doloris gematum maiorem dispendii studeat inferre molestiam. Quod si ita se veritas habet, quia graue nimis est, & procul nimis est a sacerdotis officio precium de terra concessa putredini quarere, & de alieno velle facere luctu compendium; ab hac se petitione fraternitas vestra contineat, & molesta ei de cetero non existat: maxime quia & Hortulanum quondam, de quo se ipsam afferit filiam suscepisse, ecclesiæ vestræ non in parua quantitate munificum memorat extitisse. Hoc autem vitium & nos postquam, Deo auctore, ad episcopatus honorem accessimus, de ecclesia nostra omnino vetuimus, & prauam denuo consuetudinem nequaquam usurpari permisimus, memores quia dum Abraham a filiis Hemor, hoc est, Ephron filio Seor sepulcrū precio ad humandum corpus coniugis postularer, precium accipere renuit, ne commodum videretur de cadauere consecutus. Si ergo tantæ considerationis paganus vir fuit, quanto magis nos qui sacerdotes dicimur hoc facere non debemus? Vnde ne hoc auaritiæ vitium, ne vel in alie-

Genes. 23.